

覺州觀土

庚子

覺止山人
書看



光緒三十二年歲
在丙午桂秋開刊



緒言

衢州府志之脩也以康熙辛卯閱今二百年矣
西安縣志之脩也以嘉慶辛未且百年矣龍游
亦康熙舊志續葺未成其成於近三十年間者
江耳常耳開耳參互攷訂疏漏不免益之舊版
齧蝕重鋟滋譌起而正之殊難其任茲因

朝廷崇尚學務以鄉土編入教科不揣謏陋謹就
管見畧陳一得區別門類提綱挈領務求簡易
編成四字韻文用課初學都凡上下兩卷名曰

卷上

危言明非執一守故也亦以日出日新期諸後
來云爾不其自識

上卷標目

建置

古蹟

職官

鄉賢

僑寓

山川

種族

治績

閩淑

方外

下卷標目

文學

戶口

附田賦

軍事

財政

交通

風俗

典禮

物產

附商礦

例言

一文明之源關係地理是編所紀人文地理居多
一是編限於尺幅只舉犖犖大者勿以罅漏譏
一府縣志已登者從畧未備者補之誤者正之閒
有異同者兩存之

一旁註依據原書未免傷煩不能不有剪裁識者
諒之

一唐以前郡縣同名西安者如漢書齊郡有西安
水經注豫章有西安今西安志中劉粹吳猛均

卷上

係誤收細爲鑿別概不闌入

一前刊有陳某西安志正誤一書紕繆百出切勿
援以爲證

一五邑之事脈注綺交不憚曲引以明之然總以
府城爲主要

一是編爲教課初學文從狃淺畧加音注
區區見聞容有未逮尙祈

博雅重加釐訂

初學 衢州鄉土厄言

不其編輯

通典衢州
古揚州地

左傳見姑蔑之旃注越地今東陽
太末縣按漢屬會稽晉入東陽

水經注太末越之西鄙姑蔑之地秦以為
縣王莽之末理按漢書作末治唐人避諱

衢本揚州

越之姑蔑

秦郡會稽

縣分太末

太音

元和郡縣志吳大帝赤烏三年改太末為龍邱隋末廢貞觀八年又置

按晉宋書

龍邱襄陰九峰山明成化七年析入湯溪境
按長莽時吳人後漢書注引東陽記作長

太末故墟

夷為龍邱

九峰隱處

丹竈猶畱

後漢郡國志劉注太末初平三年分立新安縣

水經注新安縣晉太康三年改曰信安
元和郡縣志作元年以宏農有新安改

晉書地理志東陽郡吳置三國疆域補志作寶鼎元年

漢季新安

太康改信

隸入東陽

由吳逮晉

卷上 建置

水經注定陽縣漢獻帝分信安立溪亦取名宋書州郡志
建安二十三年孫氏立府志作四年誤按故城在西安東

元和郡縣志隋初置定陽縣隋末廢按隋書
只信安一縣屬婺州下有定陽溪無定陽縣

定陽舊縣

東溪之湄

或非孫立

始終自隋

唐書地理志武德四年平李子通置衢州六年廢垂拱三年復置讀史方輿紀要謂宋宣和三年方臘作亂始築今城

昔有人脩城掘得唐磚有尉遲敬德監造
六字可辨今城脚間尚有之但於書無攷

厥惟今城

實唐初置

尉遲所營

史失其氏

咸淳臨安志貞觀元年分天下十道隸江南東道開元三年分十道採訪使通志開平道圖八曰江南道揚州之南境衢屬東道

通典衢州或為信安郡寰宇記天寶元年改為信安郡乾元元年復為衢州

開元十道

隸江南東

州或為郡

復於肅宗

元稱郡縣志衢州信安上信安望郭下常山上東至州八十里龍邱緊西至州七十二里須江上
北至州九十五里宋西安望江山緊龍游上常開中元龍游上西開中江常下按即衝繁之謂也

郭下信安

為衢州望

龍邱縣緊

須常皆上

唐書武德四年又置穀州及白石縣八年省

又證聖二年析龍邱置武安縣寰宇記謂常山須江
陽置以武安山名龍游志神龍元年省按故城在縣南

又如意元年析龍邱置益川縣元和七年省入信安

別有穀州 置而旋省也省廢 白石武安 盈川來併

唐書及輿地廣記並云咸通中改西安文獻通攷亦云唐縣寰宇記以為吳越改非

以縣有信安溪一統志亦名西溪故名

咸通中葉 更號西安 西溪繞郭 意取安瀾

西安唐初信安龍游唐龍邱常山唐初定陽江山唐須江

吳越錢王 據兩浙境 四邑仍唐 西安首領

十國春秋地理表及吳越世家寶正六年張邱為墓不祥改龍游宋史作龍遊

寰宇記武德四年置須江縣因南有須江為名八年廢永昌元年又置錢鏐改為江山輿地廣記有江郎山謂之須郎山按隋書曰江山

龍游獻瑞 祓除不祥祓音弗 須江之域 山有江郎

唐書地理志咸亨五年置常山縣名勝志以縣東常山名常山志一名長山按長山縣今金華非此

芹嶺開 吳越地理表置開化場輿地廣記乾德四年化西南 置太平興國六年升為縣寰宇記吳越置縣

常亦山名 字別為長 接於芹嶺 開化啟場

卷上 建置

宋史地理志衢州信安郡輿地廣記天寶元年曰信安郡皇朝因之按咸淳臨安志衢為浙東路

龍游志宣和四年詔避龍字諱改盈川紹興元年詔復宋史宣和三年改省志建炎三年復按宋本寰宇記作隆邱

宋信安郡 浙東衢州 盈川避諱 即是隆邱

宋地理志江山縣南渡後改禮賢志作咸淳誤按故城在今城南禮賢鎮

又常山縣咸淳三年改信安按二縣皆至元復名見元史

南渡禮賢 城南鎮在 咸淳信安 實常山改

元史地理志至元十三年平江南改為衢州路 明史地理志元衢州路屬浙東道宣慰使

太祖實錄龍鳳五年乙亥取衢州路改為龍游府明史同方輿紀要作八年

迨至元間 升衢州路 明祖取之 改龍游府

明史地理志丙午年復為衢州府龍游志作丁未方輿紀要及一統志府志江山志均稱癸卯按太祖於甲辰稱吳王丁未建元始不用龍鳳年號

既而復舊 統五屬縣 大清定鼎 相沿不變

衢州府今為衢繁難三字要缺

衢疲難三字 惟江山一縣

今府要缺

屬衝繁難

衝疲難者

縣有江山

西安常山衝繁
龍游衝難中缺

繁難兩衝

西常及龍

開化無字
開化無字簡缺

簡而非中

此言五邑方向
四至八到詳下

府東龍境

江偏於南

常開西北

弧角成三

南界處州遂昌在
龍西江三邑東南

東界金華湯溪向南
蘭谿向北昆連龍游

北界嚴州壽昌在西安極北
邑北遂安在西安極北

以上本省界

東南枯蒼

迤東蘭湯

埭西龍北

遂安壽昌

府西南江山南接
福建浦城縣界

常山西接江
西玉山縣界

開化西北接安
徽婺源縣界

以上外
省界

西南浦城

西玉山道

西北婺源

合為八到

卷上 建置

三

此言五邑形勢
及道里之數

西龍江地

橫狹縱長

為正負角

開割于常

据今測西至八到積里
開化得五百四十五里

西安得五百
三十一里

江山得四百
九十五里

龍游得三百八十六里
常山得三百二十四里

疆域開寬

西亦相若

江更次之

龍常稍窄

全府開方合計
所得里數如下

面積方里

長短截補

六千五百

五十有五

右建置

方輿紀要三衢山在常山北
昔有洪水暴出派分三道

見通典及元和郡
縣志大平寰宇記

兩廣兩湖
閩贛皖浙

有三衢山一衢以名郡 或曰康衢 路通八省

中國山脈悉由崑崙來分支南嶺至仙霞入浙嶺在江山南高三百六十級凡二十四曲有關

府城山脈自城南九龍山來明余數中有三衢來脈賦

南嶺山脈 向仙霞行 蜿蜒盤折 九龍入城

府城相傳 九龍之地 峯連崢嶸山有石龜 上建府署俗稱府山

周密草窗詞伴居據龜 按府志府官各 阜下瞰萬室外環四山 署均在此山

地總九龜 龜峯居首 俯覽萬家 黃堂太守

孟郊崢嶸嶺詩坐嘯郡齋肅又高門結朱華 按此足見唐時郡署已在此城非宋建可知 柯山紀事崢嶸山下五色人家舊有洪黃蓋陸白五姓

郡齋坐嘯 高門朱華 崢嶸瑞靄 五色人家

山在城南寰宇記石室山名石橋 道書青霞第八洞天 王質觀棊爛柯事載 相連有王貴山 山空石山按洞有石刻天生石梁字 爛柯山志景華洞天 述異記他書作聽琴 貴質弟同入仙

爛柯石室 青霞洞天 觀棊一局 兄弟皆仙

卷上 山川

通典江郎山發地如符有三峯寰宇記昔江家兄弟神化於此方輿紀要一名金純山在縣南 白居易詩安得此身生 羽翼與君來往醉煙霞

金純三峯 高與雲齊 煙霞羽翼 白傅詩題

泉嶺山西安志東南一百里通典及寰宇記縣南二百里朱買臣曰越王居保泉山一人守險 千人不得上即此江山志又云仙霞嶺古泉山也按漢書師古注謂泉山為泉州之山恐非

泉領山高 越王保障 一夫當險 千人可抗

陳書雷異傳自信安嶺與王琳潛通又王質傳度信安嶺依雷異又 弟國度東嶺居信安並詳後軍事按今志不載惟知城南西安嶺頭 隋書地理志信安縣 有悲思嶺今無可攷

信安東嶺 古皆用師 名於隋志 更有悲思

唐書地理志龍邱有岑山方輿紀要岑山在縣南十五里 自金華望之正當其面因名婺女照臺山俗呼筆架山

金華南來 婺女照臺 形成筆架 發達文才

常山東北二十五里趙清獻 府東十里雞鳴山亦 公讀書處一名清獻書巖 清獻讀書處有塔

趙公巖深 讀書故處 塔下雞鳴 五更風雨

翠光巖龍游西北六里緣溪石壁風景絕佳明少保胡宗憲駐師賜此青藤先生徐渭伐石留題

古木萋萋 石壁臨溪 翠光滿目 青藤畱題

文獻通攷江山有騎石山寰宇記山下有石如人騎馬昔有神巫以印指馬頭馬頭即落 與騎石相望為景星山初名 明知縣余一龍 突星案紀興中知縣楊雲改 改騎石為步鼈

騎石神人 馬首相向 對面景星 步鼈而上

名勝志西安鷲籠山一名繡峯有三鳴一池皆稱奧區又 按即飯甌山俗有西安 江山鷲籠山有龍穴下為水簾泉若輕綃高挂柳屯田為記 半甌江山半甌之說

仙非逸少 攜兩鷲籠 水簾高挂 如繡芙蓉

蟠桃山開化東北五里桃花時 望之如蒸霞其南有王母山 天童八仙山開化北五十里相傳唐道士鄧 去奢煉丹於此感天童下降按鄧龍游人

王母桃花 燦爛如霞 天童下降 感鄧去奢

卷上 山川

西安北六十里有太真洞洞門石刻第一洞天四字再去三十里有白塔洞深不可測江山東南空里有羅 漢洞言有羅漢至此履跡猶存又縣西二里有目連洞目健連修行處政和間掘得青提夫人碑乃目連母也

太真白塔 羅漢目連 豈真古洞 多住神仙

衢為浙上游南際歐閩北抵歙睦諸 縣之水會於城下達於浙江以入海 明史地理志衢江大溪自江山 流入與常山西溪合自雙港口

錢塘入海 源發衢江 逆流而上 港口成雙

水道提綱金溪出開化馬金嶺為 常山港文溪出仙霞嶺為江山港 水經注其水分納 眾流混波東逝 方輿勝覽穀溪出西安合江山常山之水 輿地志穀溪之水交錯如羅紋按即穀水

金溪文溪 分納眾流 穀波如織 承其下游

東溪今名東磧港源出遂昌之周公源 由雞鳴山下與西溪水合即古定陽溪

東溪水合 激石潺湲 迤入百里 來周公源

蘇姥灘俗名蘇木 灘下有浮石潭 趙清獻詩浮石 仙人迹尚存 水經注蘇姥布水懸百餘丈 有石牀石牒似襪采帖即此

蘇姥浮石 仙迹尙存 牒牀采帖 夕陽有痕

方輿紀要浮石潭下有帝王灘相傳明太祖江右旋師駐蹕於此

然宋楊萬里有地黃灘詩則非由明太祖得名

帝王駐師 譌傳明祖 誠齋遺詩 地黃名古

團石潭在龍游攔溪卽柘溪在西安孔洙江南野史云團石圓出狀元攔溪通出相公宋時劉章余端禮皆驗並見揮塵錄又程大昌演繁露云水打浮石圓龍游出狀元

團石狀元 攔溪相公據音 地靈人傑 水利攸通

桐山源卽銅山源并雙橋源出章戴港鳳山源卽芝溪源俗稱上方源出盈川潭均在西安北靈溪源出遂昌爲靈山港東北流入穀葉溪源出松陽合馬報溪西北流入穀均在龍游南

桐山鳳山 靈溪築溪 支流南北 匯合東西

聖塘卽神塘唐書地理志神塘在西安縣東五十五里開元五年因風雷摧山堰澗成塘溉田二百畝按今稱聖塘源通龍游南鄉

聖塘故事 溉田有因 摧山成澗 感風雷神

廣輿記開化白鰕池相傳趙抃鎮蜀時以白鰕寄余氏池中後生息不絕移他所輒變色按周洪有記

余氏池中 白鰕如雪 受化趙公 生息不絕

按龍游舊志有穀江浮橋宋宣和間設爲衢州有浮橋之始不知何時廢光緒十五年高令英新設平政浮橋

浮梁之設 路通要津 穀江故蹟 平政方新

方輿紀要通和浮橋在府西門外萬曆三十九年創又東磧浮橋在府東十里按今廢又江山東一里大溪一名鹿溪舊有浮橋縣南十五里清湖有九清浮橋又開化城東舊有和平通濟橋明洪熙間改浮橋今改作渡其地尙稱浮橋門

通和公行 東磧存名 和平通濟 鹿溪九清

右山川

地理歷史 攷古不厭 陳迹攸存 爾為紀念

殷浩宅在城南晉書浩征姚襄敗績坐廢信安終日 九域志土人號曰殷牆明縣志縣南六里信安故城 書空作咄咄怪事四字唐薛逢詩紅樹暗藏殷浩宅 中有石室神為介冑像按今城內亦有殷冢山故址

紅樹四圍 將軍故宅 此中有人 書空咄咄

周召雙橋隨筆府治內舊有郭璞 墓明守李遂發得石荀二有記 今祀為 石將軍

郭璞疑冢 荒土一堆 將軍柱石 擎天有才

西門內有古天 俗傳竈磚一夕造成恐謬志稱崇禎壬午八月大風 吹墮塔頂上鑄有梁天監年號是郡未建先有塔也 王寺志無年代

天王古塔 萬竈飛博 始梁天監 遠在城先

女樓一名發女樓唐會昌中崔耿為 守重作更名東武以識世封有記

樓以女名 躔次在婆 崔耿守邦 更曰東武

卷上 古蹟

唐侍郎徐安貞隱處名侍郎巖城東五十 里有空中樓閣架木懸崖間即九仙巖

上有飛白書 飛仙二字

侍郎遺躅 樓閣玲瓏 飛仙拔宅 來往空中

城北清獻故居宋史杜廬 一濯纓亭 母墓縣榜其里曰孝弟處 名公建 冷齋夜話趙閱道休官歸老作高齋而 居之按志載有逸老亭後為清獻書院

孝弟古里 濯纓取清 高齋逸老 時聞書聲

南渡孔端友負孔子楷像來衢因建思 魯閣奉之今尚存又有孔傳刻聖像碑

思魯閣中 崇奉楷像 聖道南行 高山景仰

固學紀聞衢州稽古閣書皋陶謨于 屏其上梁文有皋陶若稽古云云 按陸游婺州稽古閣記大觀二年大興學校詔天下州學 經史閣皆賜名稱古衢當亦是伯厚曾任西安主簿故

皋陶稽古 用勗諸儒 顧名斯閣 大書特書

周密長亭怨慢序先君子監州太未時作堂曰嘯詠後俯官河 相望一水則小蓬萊在焉按即郡治事在宋濱祐間志失無攷

崇居龜阜、嘯詠堂開、憑闌俯瞰、有小蓬萊

元柳待制集有留宴衢州平山堂詩

按貫曾為江山教諭

平山堂景、一小揚州、昔年柳貫、觴詠句留

古蹟叢多、不勝箸錄、樵牧餘歌、付之鄉曲

右古蹟

民族觀念、人文攸關、悉心攷察、得見一斑

卷上 種族

周官職方氏有八蠻七閩史記武帝平閩越徙其人於江淮間即此族也統屬南蠻

五嶺以外其族繁多通稱百粵亦作越有南越閩越

地近七閩、介在百粵、其初居人、大半蠻族

吳越春秋少康封其庶子於越號曰無餘

無餘受封、實為夏裔、漢種人來、逐漸南徙

詳見韓文公集衢州徐偃王廟碑在龍游按徐戎種也在江淮間稱淮徐淮夷又徐方

龍南靈山有偃王遺跡亦稱徐山又唐薛逢詩綠羅深覆偃王祠今廟像少年俗謂徐王太子疑非偃王或章禹也

爰有偃王、徐戎稱霸、三十六國、被其感化

左傳昭三十二年吳滅徐徐子章禹斷髮以奔楚按史記吳世家泰伯文身斷髮越世家亦云文身斷髮據漢書地理志越人文身斷髮以避蛟龍之害是斷髮越俗章禹從越人居也韓碑云徐之宗族弟子散之徐揚二州間是已

其後章禹、斷髮奔楚、影響越人、散布各所

韓碑云衢州故會稽太末也民多姓徐氏據此則斷為徐淮族與吳越族混合無疑

姑蔑之墟 遂多姓徐 自時厥後 五方襍居

一統志三國吳遣征虜將軍鄭平以三千人守
崢嶸嶺按一作五千亦作千人參看僑寓軍事
按鄭平將卒多成家於此而不返者
如徐福三千童男女入東瀛故事

三千戍卒 守崢嶸山 有如徐福 入海不還

衢之世族多
南宋移居者

宋室南遷 名流星聚 寄民益多 遂成安土

此種不知來自何時不
嗜豕肉不與漢族通婚
一作謨哈默
德回教之祖

有回回種 不與襍婚 祖摩訶末 自稱教門

舍客盤弧遺種順治間由交趾遷處州見吳世涵平昌詩草始惟居於松遂幽僻處
今靈山深谷中多有之吳詩注舍婦雷藍鍾盤婁五姓相為婚姻此但傳其四姓

靈山道中 盤弧畚客 雷藍鍾古 語言懸隔

右種族

漢書百官表縣令長皆秦官萬戶以上為令減萬戶為長晉書職官志縣大者置令一人小者長一人
据此令與長有大小縣之別三國賀齊傳稱太末長晉江適傳稱太末令則知漢縣小而晉縣大也

衢之設官 初惟縣令 疆宇頗寬 統攝諸政

文獻通攷武德元年改郡為州
太守為刺史按衢州四年始置
十國春秋百官表吳越州
有刺史或知州有判州事

唐改為州 因除刺史 吳越知州 有判州事

文獻通攷宋沿唐
制州有錄事參軍
又太祖命朝臣出守列郡號權
又乾德初置諸州通判
知軍州事軍謂兵州謂民政
公事須參議方許行下

宋重軍事 官有參軍 朝臣出守 通判權分

元史百官志至元初置諸路總管府二十年定十萬戶
之上者為上路達魯花赤一員總管一員按衢州上路

泊乎元代 達魯花赤 統轄各員 總管同秩

明制知府糾察吏治綜督諸事佐貳有同知通判推官其屬經歷知事照磨檢校凡七員衛無檢校

知府明起 糾察各屬 衛無檢校 佐貳者六

金衢嚴道兼管水利 分防江山 事務駐衢為分巡道 峽口鎮

且言今官 同城道府 同知分防 縣各一主

明史布政司員有金衢嚴守道駐省按察司分巡道有杭嚴道金衢道方輿紀要金衢道兵備僉事按東華錄順治朝馮如京徐來麟畢振姬甯之鳳俱金衢道參政又杭嚴道魏允執猶承明制康熙初裁併乾隆十八年裁去參政銜

初分巡道 祇領金衢 嚴封杭郡 參政銜除

雍正十三年工部尚書徐本浙江總督程元章會奏請將衢協改鎮

閩越伏莽 不時出沒 改協為鎮 雍正之末

卷上 職官

同知康熙三十九年裁舊署在府西雍正十三年復置 皇朝通攷康熙六年 東華錄道光十二年閩九日裁衢移峽口按陳述經峽口同知廳壁記時臺灣朱貴亂 裁府志作九年設 州糧務通判按廢署在道貫巷

督捕同知 移駐峽口 推官既裁 通判踵後

西安全旺龍游湖鎮常山草坪 草坪 開化金竹嶺今移華埠均送檢 作草萍 江山廣濟水馬駟丞兼管巡檢事駐清湖即清湖司

全旺湖鎮 草坪金竹 比于四司 惟廣濟駟

右職官

唐李華有衢州刺史廳壁記 康熙縣志 作李藻

宋毛憲亦有郡守題名記

刺史廳壁 李華題記 毛憲繼之 名復失次

唐書禘太宗第 三子吳王恪孫 蘇州志唐信安王府在長 丹鉛總錄載衢州斷碑詩薄煙 一景雲元年一 洲縣間邱坊有藏春園 稟遂郊遙峯沒歸翼即禱句也 開元二十四年

信安王禕禕音衣 姑蘇開府 畱蹟柯山 刺衢兩度

均徐氏見昌黎 徐偃王廟碑

堅嶠父子 向放祖孫 復祠俎豆 手澤常存

前定錄貞元六年豆盧署謁郡守鄭式瞻夢 兆二十年後守此果驗因作微夢亭於署

豆盧謁鄭 下榻禮隆 廿年徵夢 勝碧紗籠

唐書于邵京兆萬年人 貞元八年貶衢州別駕

文苑英華有于邵 送竇蔡二秀才序

西掖舍人 左遷至此 竇蔡受知 于公下士

十國春秋鮑君福字慶臣餘姚人吳越武肅時為衢州應援指揮使刺史陳章叛脅之終不從吳將周本守信 州屢窺境君福率數千人追之遁去在衢凡十二年子修讓知衢州按府志父仕唐子仕吳越並列刺史表

鮑家世守 蒞衢有年 內訌外患訌音紅 處之泰然

卷上 拾續

泊宅編天聖間陸同判衢州有肉起天庭之瑞相主封公當 時不驗至孫個人政府贈司空按府志載陸佃為通判誤

天聖判事 人稱陸同 孫佃應兆 位進司空

宋史晏敦復以不附和議忤秦檜自言薑桂之性到 老愈辣請出知衢州今府治前有晏公祠禱雨輒應

敦復貶出 朝廷遂南 薑桂性辣 與民以甘

宋史袁甫嘉定七年進士第一知衢州立 旬講務以理義淑士心歲撥千緡養士

袁甫旬講 理義淑人 為養士費 歲出千緡緡音民

宋詩紀事錢惟演贈章衢州詩平檻曉波吳榜遠遶城春 樹越禽飛按章名謙亨嘉熙三年知衢州兼浙東提刑

平檻曉波 遶城春樹 章使君來 香花夾路

元史良吏傳白景亮字明甫南陽人善 書算為衢州路總管按田畝均徭役

白公總管。明法善算。按畝均徭。民氣紓緩。

廣輿記明知府羅瑜數辨疑獄民不敢欺有假賺得財懼而賣妻以償者瑜曰民窮而犯法畏法而棄妻守之過也贖其妻還之按府志有唐瑜無羅瑜俟攷

羅瑜治獄。民不敢欺。還妻引過。眾望歸之。

蘇州志沈杰字良臣長洲進士宏治間守衢為宣聖嫡孫疏請世襲五經博士崇飾趙清獻祠又為濟陂修堰民田得灌溉

以上府官

沈杰善政。崇聖尊賢。更興水利。澤及民田。

三國志吳賀齊傳山陰人為太末長平亂府志西安志均作建安十六年太末令

晉書江道陳留人為太末令深山中有一命數百家恃險為阻道召其老厚加撫旬月間襁負而至朝廷嘉之州檄為滄

漢太末長。賀齊有名。江道繼軌。亡命更生。

梁書劉騶字彥和東莞莒人天監初為太末令政有清績

舊龍游志有梁太末令將匠道李投姓氏尋源將匠氏風俗通云漢官有將匠少府因官為氏一作蔣匠氏据此道李其名

梁代劉騶。清績可紀。故志流傳。將匠道李。

卷上 治績

陳書儒林傳梁世百濟表求講禮博士詔令訓行還除給事中定陽令

按常山志以梁陳不志州郡疑定陽之廢在梁末陳初觀此足證其誤

陸詡講禮。奉使東洋。教民孝悌。歸化定陽。

舊唐書楊炯華陰人為四傑之一選授盈川令張說稱楊盈川按在如意元年能游志載中宗時

葉開性自娛集注炯因旱禱雨不得投井死民祀為城隍神

初宰盈川。唐賢楊炯。天旱焚炷。身填古井。

舊唐書第五琦長安人以富國強兵之術自任天寶初官須江丞時太守賀蘭進明甚重之祿山反奏為錄事參軍遂收所陷之郡

琦丞須江。專講富强。奏參軍事。果中興唐。

李肇國史補李遜為衢州刺史以候高試守縣令高策杖入府以議百姓按不言何縣

李翱來南錄元和四年在衢州與候高宿石橋据此是西安令

策杖入府。令有侯高。石橋一宿。如列仙曹。

禕見前子峴承泰元年貶衢州刺史見代宗紀

李術信安令年代無攷府志云見舊經

唐書宗室世系表上盈川令杜一作杜府志西安志同作杜龍游志李杜隴西人文宗時龍邱令俟攷

禕峴刺郡 信安李術 盈川令杠 亦埒宗室

宋史趙師旦知江山縣斷治出邑吏不能得一錢棄物道上人無敢取後死僕智高難柩過江山哭祭於路數百里不絕

趙公師旦 遇事明斷 道無拾遺 痛死於難

宋史宗澤義烏人為龍游令民未知學建庠序設師儒風俗一變按志載元符元年

赫赫宗澤 出宰龍邑 興學崇儒 風俗移易

兩浙防護錄宋張應麟作西安丞築石室履垂成山水暴漲應麟衣冠乘馬入水死民祀之時見白馬往來堰上云淳熙二年贈少卿志作應麟今有祠

石室洪濤 張公盡命 白馬雲端 英靈未泯

朱子大全集常山尉翁蒙之字子功崇安人趙鼎喪自嶺表歸郡守章傑檄蒙之檢其遺草以媚執蒙之不從指俸助鼎葬士論高之

尉雖官卑 不為義屈 願捐清俸 而掩忠骨

卷上 治績

宋史王應麟字伯厚慶元人清所元年進士謂西安生簿民以少年易視之應麟繩之以法遂立辨

少年王郎 秩隴主簿 執法如山 民誰敢侮

明府志步從信雜揚人太祖為吳王時知開化縣創治立學任滿民不忍其去歌朝天曲以美之

從信愛民 創治立學 繫我去思 朝天一曲

明府志張江號盤溪廬陵人知西安縣興學校明鄉約役義倉均徭役子視其民民歌詠之名曰稽古化民錄立生祠於羅漢寺又遷顯報寺

稽古化民 撫之如子 盤溪張公 生祠立祀

明府志余一龍字汝化婺源人嘉靖進士知江山縣廉明慈愛惟以民事為重民祠祀之縣舊無城創議建造按湯幢小品先有仙示江山縣欲城直待金龍興余至果應其名

余公廉明 深得民情 金龍預兆 無城有城

舊縣志花上苑南充人崇禎四年知西安縣政尙知緩以德化民凡構訟必令退思三日乃就訊

花令上苑 務德化民 退思三日 自得情真

舊縣志曰拱微字暉山沔陽州進士順治十一年知西安縣臨政和平歲旱素服草履步禱者月餘捐俸築石室壘立祠祀之按祠在城南有望柯樓

素服禱雨 澤及農功 望柯樓上 崇拜白公

浙江通志陳鵬年字滄洲湘潭人康熙三十五年知西安縣清釐田畝留心水利善政不可枚舉官至總督河道諡恪勤

以上縣官

滄洲惠政 美不勝書 至今田賦 食公之餘

右治績

府治前有太末雄藩坊

太末雄藩 迭生賢哲 鄉望攸歸 著其卓卓

卷上 鄉賢

三國吳志虞翻傳太末徐陵下注陵字元大歷三縣長所在著稱遷零陵太守時朝廷俟以列卿之位故翻書曰元大受上卿之遇叔向在晉未若於今其見重如此

徐陵仕吳 歷三縣長 識人仲翔 比之叔向

兩浙防護錄晉徐宏字聖通太末人習韓詩春秋舉孝廉為汝陰令時有童謠曰徐聖通政明公平刑罰奸宄空遷扶風守戰死祠在馬鞍山

聖通美政 具應童謠 扶風戰死 忠勇常昭

南史隱逸傳徐伯珍字文楚東陽太末人少孤貧無紙以若葉學書應召便退兄弟白首時稱四皓按寰宇記龍邱山有徐伯珍宅實龍游人西安志誤收

伯珍家貧 箬葉滿室 皓首窮經 杜門不出

陳書儒林傳鄭灼字茂昭信安人少受業於皇侃請授苦心熱若瓜時輒以瓜鎮心起便誦讀

好學鄭灼 以瓜鎮心 師事皇侃 名列儒林

舊唐書徐安貞信安龍邱人初應制一歲三擢甲科中書舍人遷侍郎手詔多出其手按新唐書安貞原名楚璧府志作楚王誤

楚璧應制 三擢甲科 中書手詔 視草尤多

唐書孝友傳序有信安徐知新徐惠誣事 實不詳按宏治府志傳有金芝靈芝之瑞

知新惠誣 並傳孝友 瑞錫靈芝 保艾爾後

宋史慎和禮衢州信安人父溫其仕錢俶宋興介俶子入覲知禮官鴻臚卿自幼至白首歲讀五經子從吉俶之婿也 按府志知禮知衢州東美書舍利碑自稱京兆人疑以官為家據吳與慎氏譜云由西安遷則信安郡名常山志誤收

慎與錢姍 介藩入覲 知禮窮經 晚年彌進

開化志程宿字華寸太宗端拱二年狀元執政奇其文曰今之杜牧也除翰林承旨時契丹 屢寇邊詔入對諮以時政得失擢六州都事有功諡文熙西安舊志作西安人府志兩收之

程宿試文 才如杜牧 策定邊勳 威行異族

宋史趙抃字閑道西安人為御史彈劾不避權貴時稱鐵面御史知成都 以一琴一鶴自隨擢參知政事日所為事入夜必焚香以告天卒諡清獻 清獻持一硯歸之語

清獻入蜀 攜鶴與琴 更傳一硯 鐵面冰心

宋史岷字景仁由蔭登第通判温州抃謝事神宗擢監察御史以父老請外提舉兩浙常平元祐中復為御史父喪甘露 降墓木岷卒子雲文以毀死人稱世孝岷志作岷東坡集注岷清獻之節子也清獻守杭岷將俸溫先歸觀而後之官

岷承先志 兩為御史 甘露降 天旌孝子

尙友續錄周穎字伯望江山人嘗貽書清獻當公心以事君平心以待物云云召試賜進士第王安石禮敬之 問新法何如對曰歌謠甚盛叩其詞穎高誦曰市易青苗一路蕭條即令出宰樂清宰門人私謚正介先生

周穎移書 規箴臺諫 青苗蕭條 丞相色變

堅瓠集衢州王中甫介守湖州有詩生若不為上柱國死時猶合代 開羅忤安石被害按介常山人子漢之為龍圖閣大學士宋史有傳

王介抗直 死代閻羅 漢之繼志 秩晉龍圖

慎伯筠字東美以字行與東 坡友善又王逢原贈有詩 龍邑湖鎮舍利寺碑東美所書 九之字九種書法俗呼九之碑

慎子東美 詩酒娛情 九之遺蹟 變態橫生

宋史劉正夫字德初西安人除左司諫時方究蔡邸獄引淮南尺布斗粟之語以對 徽宗感動後充中太一宮使封康國公病革遺牘自書留神根本深戒持盈八字

正夫善諫 尺布回天 畱神根本 為子孫傳

宋史毛注字聖可西安人徽宗稱其知義遷侍御史極論蔡京又請留資籍三分暫存科舉以待學外之士按府志作江山人

毛注知義 特劾蔡京 請畱科舉 暫慰儒生

宋史毛漸字正仲江山人為荆湖北轉運判官時渠陽蠻擾邊朝廷議棄地漸曰蠻徭畔服不常非稍威以兵未易懷德今一犯邊即棄地非計也不報渠陽既棄蠻復大入後漸以破夏人有功

渠陽蠻擾 廷議棄地 毛漸建言 獨闢非計

宋史忠義傳徐揆衢州人由太學起嘗叩南薰門以書抵二酋請車駕還闕二酋見書以馬載至軍接厲聲抗論被害建炎二年追錄死節按揆西安人兩浙名賢錄作江山人誤

太學徐揆 投書辭迫 請駕還都 金人褫魄

宋史忠義傳徐徽言字彥猷西安人靖康初知晉甯軍金人陷晉甯罵賊而死諡忠壯按龍游志作龍游人誤

徽言罵賊 臨難不屈 節過真卿 忠貫日月

卷上 鄉賢

宋史文苑傳程俱字致道開化人官至徽猷閣待制著北山集此為葉夢得序中語

精確深遠 致道之文 麟臺故事 讜論上聞

呂防字大防龍游人與朱子同學

呂防學術 同乎紫陽 逸平教授 衣鉢惟楊

咸淳臨安志毛友靖康元年二月以朝請大夫延康殿學士知杭州按友西安人志載翰林學士亦見江山志端明殿學士不云知杭州府志知衢州誤

學士毛友 曾上延康 慕知非子 惠績畱杭

尚友錄徐嘉字吉卿西安人金主亮遣使請和嘉為館伴使敵使人不肯以書授中使嘉徑前奪書敵使氣大沮上嘉之孝宗即位高宗語之曰是嘗手奪國書者累官吏部尚書

館伴徐嘉 氣懾強敵 手奪國書 名聞登極

兩浙名賢錄鄭仲熊字行可西安人官簽書樞密院參知政事秦檜誣構趙令矜仲熊不附檜使臺諫交攻之落職居蕭寺二十年孝宗即位復端明殿學士致仕

鄭相仲熊 參知政事 不附奸秦 獨居蕭寺

宋史劉章字文儒龍游人紹興十五年狀元為禮部尚書嘗對上曰書生無他長惟菲儉自度晏嬰一孤裘三十年人以爲難臣以爲易後以資政殿學士致仕諡文靖按宋登科記誤作江山人亦載江山志

劉章菲儉 處尚書位 晏嬰狐裘 自以爲易

宋史余端禮字處恭龍游人光宗有疾甯宗入即位趙汝愚罷相端禮代之授少保郇國公致仕諡忠肅子鏞工部尚書

甯宗正御 汝愚又罷 獨有端禮 計安宗社

宋史劉穎字公實西安人爲少宗正遇趙汝愚於廢寺立語曰寄謝余參政某雖去人才猶在朝廷幸善待之穎曰相公人才卽參政人才使果賢參政之責非宰相之憂也參政謂端禮既相多全善類穎之助云

公實有心 領相公命 廢寺談言 寄才參政

宋史馬天驥字德夫衢州人寶祐四年拜端明殿學士同簽書樞密院事封信安郡侯景定元年知衢州按志作龍游人

受封信安 衢人宦衢 地方自治 可效德夫

卷上 鄉賢

宋史徐霖字景說西安人試禮部第一理宗稱得人遷秘書省著作郎按撫州志作江山人誤 霖親面大慟見者駭然不知所哭傷世道也

秘書徐霖 殷憂世事 趙帥對泣 傷無同志

四朝聞見錄毛憲子自知進士第一御史發其延對力主恢復事且其父閱卷 按志稱毛自知宅在卧龍山駁之後授江東幹幕劉克莊贈詩有至尊殿上主文衡豈料臺中有異評語 又狀元坊狀元峯俱以此名

自知對策 力主恢復 遭時異評 江東幹幕

宋詩紀事柴望字仲山號秋堂江山人除中書瀆祐六年上書曰丙丁龜鑑放歸田里宋亡稱宋逋臣

丙丁龜鑑 柴望上陳 直言見放 爲宋逋臣

兩浙防護錄徐應鑣江山人居太學元兵至臨安作文祭岳武穆祠率子女登梯雲樓縱火自焚死私謚正節先生

應鑣祭岳 慟不成功 太學正氣 突過陳東

廣輿記張宗元開化人仕元爲秘書少監部使者余闕行縣作興賢坊以旌表之

博雅宗元 嬾與俗接 余闕旌之 興賢坊立

明史吾紳字叔紹開化人永樂二年進士官至南刑部侍郎性率直拜侍郎時了無供具司寇公曰叔紹學向敏中耶

叔紹率直 寒素家風 侍郎行狀 模範敏中

明史金實字用誠開化人當文皇入繼大統實以布衣詣闕獻書上親策之命入翰林紹熙初授左衛府長史召入西掖以備顧問晚號覺非以自儆按永樂廟號文皇帝

獻書詣闕 金實布衣 西掖顧問 晚歲覺非

西安志葉貞字惟正永樂進士官翰林庶吉士預修大典拜監察御史彈劾不避權貴超拜副都御史益勵風裁吏部尚書楊一清奉詔修名臣都御史葉貞墓誌按貞有上成祖疏都憲坊尙存

副憲葉貞 風裁嚴峻 上疏成祖 識其忠藎

明史鄭辰字文樞西安人授監察御史帝語方賓曰是真國家耳目臣遷侍郎

錚錚鐵面 繼有鄭辰 辨冤明察 爲耳目臣

卷上 鄉賢

兩浙名賢錄陸和字子達江山人永樂己丑進士爲監察御史巡按中外凡九年風裁嚴肅號小鐵面

陸和風裁 中外共見 巡按九年 號小鐵面

余敷中太末集四世祖敬公永樂乙未進士福建道御史巡按交趾峩峩柱中秉德惟剛其贊語也

余君柱史 秉德惟剛 交趾巡按 威及南洋

兩浙防護錄樊瑩字廷璧常山人潔己好修正而不迂以南刑尙歸田時坐竹兜行田間曰非徒視稼將以勤之也

樊瑩潔己 垂老歸田 竹兜視稼 以樂餘年

分省人物攷王璣字在叔西安人嘉靖進士從王陽明先生歷陞右簽都御史又充淮徐等處按撫營田使歸里居十年營講舍

王璣談理 宗法陽明 歸營講舍 化導後生

葉秉敬字敬君方應祥字孟旋二人同學開西安文派者葉爲河南提學副使江西參政方爲山東提學兼山東參政並有政績

敬君孟旋 別開學派 經濟文章 令人崇拜

獻徵錄徐可求字世範號觀我西安人萬曆壬戌進士巡按四川因臺省二使召士兵激變盡節軍中 子應秋字石義號雲莊慷慨有學兩令劇邑典學東秋試後以平關寇功陞左布政使

可求撫蜀 殉難軍中 子能盡孝 以報父忠

儒林錄毛愷字達和江山人嘉靖乙未進士為刑部尚書時嘗劾發中貴人不法事朝政一清

尚書毛愷 劾發中貴 剛介可風 羣奸盡畏

丁元復趙鏜傳字仲聲江山人嘉靖丁未進士選翰林院庶吉士改河南道御史條上封事皆中官榮與張居正同年獨不阿附

趙鏜封事 亶亶可聽 不阿居正 敢忘朝廷

國朝先正事畧陸桴亭傳葉毅良字靜遠西安人戡山高第也千里贈書討論先生喜曰證人尚有緒言吾得慰未見之憾矣按戡山劉宗周

靜遠先生 戡山高第 證人緒言 貽書千里

卷上 鄉賢

兩浙輶軒錄余恂字孺子號岫雲龍游人順治辛卯鄉舉第一壬辰進士官至左春坊左諭德著敦宿堂文集燕吟南蓬詩草龍游志嘗與瀛臺西苑顧問為人天懷坦白同僚呼為天機子

坦白為懷 余天機子 瀛臺西苑 朝夕入侍

江山志柴大紀號東山乾隆五十一年臺灣林爽文之亂大紀為諸將總兵破賊有功當困難時 詔有大紀當糧盡力竭之時惟以國計民生為重古之名將何以加茲按事詳聖武記

大紀忠勇 平林爽文 糧盡力竭 猶擁孤軍

兩浙輶軒續錄戴敦元字金谿開化人乾隆庚戌進士官至刑部尚書協辦大學士諡簡恪吳鍾駿序公官比部哀矜庶獄刑罰必當外擢監司晉階屏翰所至有聲性簡易敏車贏馬惡衣蔬糲泊如也聰明天授過目成誦及周鼎宣夜少廣商功

金谿在朝 厚意恤刑 通麻祿術 上識天星

右鄉賢

漢書地理志越地牛女分唐崔耿女樓記衢地上當婺女之舍次

朝野雜記宋德壽官有信安趙夫人



衢值女宿 天生淑真 德壽宮裏 有趙夫人

明史孝貞王皇后憲宗即位廢吳后而冊立之時萬貴妃寵冠後宮后處之淡然宏治朝為皇太后后正德朝為太皇太后上尊號曰慈聖康壽崩合葬茂陵按后家西安樓山後史作上元人俟攷

孝貞王后 淡處椒房 三朝輔政 既壽且康

圖繪寶鑑楊妹子寫琴鶴圖不特琴聲入耳而鶴舞之態得傳清獻之孤高真在九臯上也或曰是清獻之妹或曰公之女也或又曰公媳

宋楊妹子 寫琴鶴圖 弈弈生趣 妙態獨殊

西安徐侍郎敷言女朝天集詩內有跋悟空道人墨迹云臨安教授蔡說之母徐氏龜行自號悟空道人學虞書得楷法多手鈔佛書按遂初堂書目有徐夫人集

悟空道人 手鈔佛書 由來淑性 自得真如

琴窗小錄趙明誠妻李清照因避洪州亂嘗載輕軸小卷寫本李杜韓柳集世說鹽鐵論石刻鼎彝及南唐書數篋之衢按趙明誠湖州守

名媛清照 閨閣逸才 載書盈篋 避亂曾來

卷上 閨淑

謝葉子奇草木子至正間衢州陷龍游一何氏女為兵所掠髮覆題詩投水死有失身無補君王事死節難酬夫婿恩語

君王無補 夫婿難酬 妾甘一死 身葬東流

江山志元娘徐應鑣女元伯顏入臨安同兄琦崧作絕命詩隨父登梯雲樓縱火自焚以救免翼日投井死互見兩浙防護錄

元娘絕命 傷國無君 全忠全孝 自誓梯雲

咄咄譚康熙間耿逆遣將曾養性窺衢村女綠娥被掠死有紫荷囊露紙半角中有詩云妾分自甘拚一死捷音猶逐夢魂來

養性窺衢 綠娥殉節 魂夢捷音 荷囊滴血

右閨淑

往來孔道 寓公寔多 亦有遷徙 自外蒐羅

一統志吳鄭平以千人戍崢嶸嶺名勝志咸熙元年平遷至光祿大夫食邑信安

漢末鄭平 來鎮崢嶸 信安食邑 斬棘披荆

陳氏譜宏字伯猷閬中人太康初授崢嶸鎮總管封信安侯遂家於此明初加贈常那感應侯今祠墓在城皂木巷

晉有陳宏 起家西蜀 加贈甯邦 於茲聚族

杜山在龍游北以杜如晦所居得名 杜昂明南京工部主事遷北京員外 銅峯在西安北今名杜澤

山以杜名 如晦所寓 世為冬官 銅峯移住

陸贄嘉興人謚宣公貞元間往江南見衢地山川之勝欲居之買田千畝擇城西為宅後敗忠州乃以田給祥符寺十二世孫宇監西安銀場稅遂家於此以承先志

宣公賢相 言炳如丹 有田負郭 付與僧餐

卷上 僑寓

趙鼎解州聞喜人傲居常山許王安石罷相有丹心未泯誓九死以不移語卒謚忠簡 墓在城北石門山每旦雲出東馳則雨西行則晴所謂石門佳氣也

趙鼎倔强 丹心常存 至今佳氣 猶靄石門

趙令衿太祖五世孫居三衢子子晝字叔問大觀元年宗子進士第一宣和初編修九域志南渡居信安山中奉祀家居築崇蘭圃於城南與程俱諸人唱酬按尚友錄令衿居衢開化志又云子晝居開化

天潢世胄 九域編修 築崇蘭圃 文酒交游

朱子嘗寓超化寺怡顏二字其遺額也明胡翰有怡顏齋序按朱氏譜朱子十一世孫照娶徐霖女家衢 冬乙酉觀此於浮石舟中時浙東亂甚

二字怡顏 晦翁墨迹 東浙憂飢 感生浮石

放翁詩隨牒人間不自憐衢州孤驛更蕭然 又有奏乞奉祠留衢州皇華館待命詩

陸子隨牒 孤驛蕭然 皇華館裏 待命多年

南渡時孔端友負楷像來衢至洙五世元世祖欲封之以墳墓在此讓襲封於 按明史衢州孔氏南宗正魯世祖曰遠榮不遠道真聖人後也按端友孔子四十八世孫與從父傳同來 德元年授世襲五經博士

孔氏南宗 上承端友 洙遜襲封 真聖人後

洪武初知府黃爽同知余伯罕並為開衢名宦有遺愛同家衢

以上並見流寓志

開衢名宦 惟黃與余 遺愛溥及 同此家居

歸安慎氏譜始遷祖鏞衢州西安人天聖三年進士出知湖州愛吳興風景遂家焉按鏞從吉子錢做外孫

慎鏞出守 以官為家 吳興風景 水木清華

常山志詹暄堯臣後也徙玉山子丕遠元祐三年進士官右正言按堯臣吳越時常山令家於常

堯臣詹氏 後有詹暄 玉山聚族 子仕正言

杭州志趙清獻公此元祐初為於潛令在任九年專以興學勸農為務卒於官卜葬渚山之麓次子憲廬墓因家焉百姓致甘棠之思名其山曰棠公山

清獻知杭 惠及農桑 子為潛令 思致甘棠

卷上 僑寓

蘭谿志清獻八世孫景文遷蘭谿子姓昌盛遂占蘭藉至嘉慶間以衢嫡支無人仍復入繼

趙氏後裔 景文八世 遷徙蘭江 還宗入繼

金華詩錄金仁山祖籍三衢桐山峽口徙蘭谿桐山下自號桐陽叔子仁山名履祥

桐陽叔子 住桐山間 金蘭徙宅 仍號桐山

常山志徐廣居洪武初為瓊州萬甯稅課副使年五十七生子以常名識故邑也有遺詩家萬甯及常長登永樂進士公務至浙歸家有詩云不因仗節來江浙孤子安能識舊家按登科記作祥

廣居念舊 生子名常 若非仗節 安識家鄉

右僑寓遷徙

中國社會 僧侶無關 卻有高行 表表塵寰

城北五十里明果寺大徹禪師法號惟寬唐貞元中僧事詳景祐傳燈錄及白居易傳法堂碑今肉身尚在俗呼草鞋佛

明果大徹 草鞋成佛 千年肉軀 尚存遺骨

五燈會元衢州南禪寺遇緣禪師有俗士號鐵脚者忽騎馬至僧問既是鐵脚為甚麼騎馬師曰腰帶不因遮腹病幘頭豈是禦天寒

遇緣悟道 騎馬莫盲盲音庚切 世路如此 鐵脚難行

西湖游覽志西湖淨慈寺原名慧日永明院周顯德元年錢王俶建迎衛僧道潛居之王夢十八巨人隨行因作羅漢堂

慧日永明 道潛開院 倡于錢王 夢阿羅漢

佛名慧通泊宅編婺州有僧嗜豬頭號豬頭和尚三衢守名師食自爇窺之見一鬼從旁食師無預焉師亡知是定光佛也 吉祥院今名天甯寺古佛居此肉身咸豐間燬

古佛定光 豬頭變相 吉祥院中 實開方丈

卷上方外

龍龜洞在城北名勝志有彭大佛入山聞樂聲跡之見有官人采女酒肴盛設請大佛供應佛以未著七條衣倉皇辭避既出遂失所在

有彭大佛 入龍龜洞 鼓樂聲聲 舞衣相送

江山志南臺宋僧有詩云南臺靜坐一爐香境界蕭然萬慮忘不是有心除妄想都緣無事可思量

爐香靜坐 無事可思 南臺和尚 猶有遺詩

名勝志宋比邱尼劉鐵磨參禪於子湖巖聞禪師言汝是劉鐵磨乎曰不敢師曰左轉右轉尼曰和尚莫顛倒有悟遂備化接子湖巖稱鐵磨巖又師姑巖

鐵磨參禪 子湖巖下 左轉右轉 一時倒化

右方外

